

**ZAKON
O IZMJENAMA I DOPUNAMA ZAKONA O
PREKRŠAJIMA PROTIV JAVNOG REDA I MIRA**

Član 1.

(Izmjena člana 2.)

U Zakonu o prekršajima protiv javnog reda i mira ("Službene novine Kantona Sarajevo", br. 18/07 i 7/08), u članu 2. riječi: "omete vršenje zakonitih mjera državnih organa i službenih lica", zamjenjuju se riječima: "omete vršenje ili ne postupa po zakonitim mjerama državnih ili drugih nadležnih organa".

Član 2.

(Dopuna člana 8.)

U članu 8. u stavu (5), na kraju tačke k) umjesto slova: "i" stavlja se interpunkcijski znak za zarez, a na kraju tačke l) umjesto interpunkcijskog znaka za tačku, stavlja se slovo: "i" i dodaje nova tačka m) koja glasi:

"m) ko ne postupa po naredbi nadležnog organa kojim se propisuju mjere za zaštitu stanovništva od zaraznih bolesti."

Član 3.

(Izmjena člana 10.)

U članu 10. stav (2) riječi: "i i)", zamjenjuju se riječima: ", i) i m)".

Član 4.

(Novi član 13a.)

Iza člana 13. dodaje se novi član 13a. koji glasi:

"Član 13a.

Policijski službenici ovlaštenog organa vrše kontrolu postupanja ili provođenja naredbi iz člana 8. stav (5) tač. d) i m) ovog zakona i preduzimaju mjere i radnje iz svoje nadležnosti, samo ukoliko je to izričito navedeno u naredbi."

Član 5.

(Stupanje na snagu zakona)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-32961/20	Predsjedavajući
27. augusta 2020. godine	Skupštine Kantona Sarajevo
Sarajevo	Dr. Mirza Ćelik , s. r.

Na osnovu člana 37. i 117. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst, broj 41/12, 15/13, 47/13, 47/15, 48/16, 9/20 i 14/20), Skupština Kantona Sarajevo, na sjednici održanoj dana 27.08.2020. godine, donijela je

**ODLUKU
O IZMJENI ODLUKE O IZBORU
PREDSJEDAVALAČIH, ZAMJENIKA
PREDSJEDAVALAČIH I ČLANOVA STALNIH RADNIH
TIJELA SKUPŠTINE KANTONA SARAJEVO**

I

U Komisiji za sigurnost

1. razrješava se HASAN GANIBEGOVIĆ (SDA-vanjski član),
2. imenuje se MUSTAFA TABAK (SDA-vanjski član).

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-32995/20	Predsjedavajući
27. augusta 2020. godine	Skupštine Kantona Sarajevo
Sarajevo	Dr. Mirza Ćelik , s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i čl. 24. i 25. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", br. 27/11 i 40/17), na osnovu prijedloga Vlade Kantona Sarajevo, Skupština Kantona Sarajevo, na sjednici održanoj dana 27.08.2020. godine, donijela je

ODLUKU

**O IMENOVANJU ČLANOVA VIJEĆA NACIONALNIH
MANJINA KANTONA SARAJEVO**

I

Ovom odlukom osniva se Vijeće nacionalnih manjina Kantona Sarajevo kao stalno savjetodavno tijelo Skupštine Kantona Sarajevo (u daljnjem tekstu: Vijeće).

II

Vijeće čine predstavnici svih nacionalnih manjina iz člana 3. Zakona o zaštiti prava pripadnika nacionalnih manjina u Kantonu Sarajevo, koje imaju sjedište na teritoriji Kantona Sarajevo, a koje su delegirale svoje predstavnike u Vijeće.

III

Na osnovu prijedloga delegata udruženja pripadnika nacionalnih manjina koja imaju registrovano sjedište na teritoriji Kantona Sarajevo, pribavljenih u skladu sa čl. 30. i 31. Zakona o zaštiti prava pripadnika nacionalnih manjina u Kantonu Sarajevo, u Vijeće se imenuju:

1. Velibor Kuvač, predstavnik Njemačke nacionalne manjine;
2. Davor Ebner, predstavnik Austrijske nacionalne manjine;
3. Jovanka Manžalović Šalaka, predstavnik Češke nacionalne manjine;
4. Mišo Ćirko, predstavnik Rusinske nacionalne manjine;
5. Asim Kulenović, predstavnik Slovenske nacionalne manjine;
6. Katica Zamboni, predstavnik Italijanske nacionalne manjine;
7. Karolina Atagić, predstavnik Poljske nacionalne manjine;
8. Vedad Hadžibegić, predstavnik Mađarske nacionalne manjine;
9. Hikmet Šlaki, predstavnik Albanske nacionalne manjine;
10. Violeta Džolan, predstavnik Rumunske nacionalne manjine;
11. Hidajeta Redžić, predstavnik Crnogorske nacionalne manjine;
12. Hakan Varan, predstavnik Turske nacionalne manjine;
13. Emica Niemi-Nalbantić, predstavnik Makedonske nacionalne manjine;
14. Igor Kožemjakin, predstavnik Jevrejske nacionalne manjine.

IV

U cilju potpunijeg uključivanja pripadnika svih nacionalnih manjina u Kantonu Sarajevo u rad Vijeća nacionalnih manjina Kantona Sarajevo, Javni poziv za izbor i delegiranje predstavnika udruženja nacionalnih manjina koje imaju sjedište na teritoriji Kantona Sarajevo, objavljen je dana 16.03.2020. godine na web stranicama: Skupštine Kantona Sarajevo, Vlade Kantona Sarajevo i Ministarstva pravde i uprave Kantona Sarajevo, dana 18.03.2020. godine u dnevnom listu "Oslobođenje" i dnevnom listu "Dnevni avaz" i